



United States Department of the Interior

NATIONAL PARK SERVICE

Golden Gate National Recreation Area

Fort Mason, San Francisco, California 94123

Mahal na Kaibigan ng Golden Gate National Recreation Area at Muir Woods National Monument:

Natutuwa kaming ipamahagi ang panghuling General Management Plan (Plano ng Pangkalahatang Pamamahala) para sa Golden Gate National Recreation Area at Muir Woods National Monument. Ang plano ay resulta ng ilang taóng pagsisikap at paglahok ng libu-libong indibidwal, ilang mga pampublikong ahensiya, panlabas na organisasyon at stakeholder groups na nagbigay ng kanilang mga puna. Ang planong ito ay ang kapalit ng 1980 General Management Plan. Ang planong iyon, na para sa isang “national park in an urban area”, ay mabisang nagpatnubay sa park nang mahigit sa tatlong dekada, at ang karamihan ng mga pangunahing konsepto nito ay natupad na.

Ang general management plan ay isang mahalagang dokumento para sa anumang unit ng National Park System dahil makikita sa planong ito ang mga pangarap ng mga taong may pagmamalasakit sa park; ang plano ay ipinahayag bilang balangkas na magpapatnubay at magpapanatili sa mas detalyadong plano ng pagsasagawa at mga desisyon sa pamamahala sa pagpapatnubay sa darating na 20 taon.

Ipinapahayag ng bagong plano para sa Golden Gate National Recreation Area and Muir Woods ang nais gawin ng Kongreso sa pagtatag ng mga park, at ang napakaraming kaalaman tungkol sa walang katulad na likas at kulturang yaman ng mga park na nakuha simula 1980. Ipinapakita ng plano ang pangarap para sa park, at isinasaalang-alang ng plano ang nagbabagong kultura at panlipunang landscape ng park. Ito’y idinibelop habang isinasaalang-alang din ang nagbabagong paningin ng mga tao sa conservation at preservation sa nakaraang tatlong dekada, at ang mga nagbabagong mas madalas na ginagamit na transportasyon, libangan, at mga uri ng pagtamasa sa mga parkland. Ang pangarap ng planong ito ay nakatuon sa partnership bilang isang mabisang paraan ng pamamahala, at ito’y umaasa sa patuloy na suporta ng aming mga partner, lalo na ng Golden Gate National Parks Conservancy.

Ang park na ito ay naging napakahalaga sa buhay sa San Francisco Bay Area, at ito’y destinasyon para sa milyun-milyong katao mula sa ibang bahagi ng Estados Unidos at ng mundo. Dahil inilalahok ng park ang komunidad bilang mga bisita, tagapag-alaga, at tagapagtaguyod, ang park ay naging modelo ng tagumpay para sa mga park manager sa buong mundo.

Taos-puso kaming nagpapasalamat sa mga tumulong sa paggawa nitong General Management Plan. Nais naming imbitahin ang lahat ng mga kaibigan ng Golden Gate National Recreation Area na sumali sa amin upang gawing katotohanan ang pinapangarap ng plano.

Sumasainyo,

Frank Dean
General Superintendent